

PUNGUN ATUTUN NAMPA 20-27

OREGON EW NENI MEI TUMWUN ME POCHOKUN (KINIKIN II): SOPWENO OPWONUWETA AUCHEAN ONNUK SENI PEKIN PIOING REN FANITEN COVID-19, ME PWAN SOPOSOPONO NE POPUTA EKIS ME EKIS KOKKOTUN AN OREGON EPWENE SUUK SEFAN REN FEINON ANGANGEN MWONI

Seni ewe January 2020, Oregon mei nomw won fori angangen eppet me tuwmunu ewe semwen mei teru ngeni aramas ese nifinifin minne mi feitto seni ewe monun semwen coronavirus (COVID-19). Nupwen a watteta osukosoken ewe semwen, Mwuun a pwan awatteta an angangen tumwunu me eppet ei osukosuken semwen. Non March 8, 2020, Ngang uwa wauu pungun pun sia nomw won emerechensi ika osukosuk weweita fan pungun ORS 401.165*et seq.*, me wauu onnuk atapwanapwan ren met sipwe fori faniten ei weweitan osukosuk. Me mwurin ena, ewe World Health Organization a affatau pun ewe COVID-19 semwen a ew osukosuk an unusen fonufan, me ewe Presidentin Merika a pwan affata pun COVID-19 a ew emerchensi ngeni unusen Meriaka ika fen watten osukosuk minne mei menei sakkopaten aninis.

Non ewe March me April 2020, nupwen coronavirus a fokkun watteno me paras fetan non unusen fonufan, uwa fori met epwe tongeni anisi ne ammangaano fetanin ika chounoon COVID-19 non Oregon, me epwe pwan okukkunano osukosuken aramas me ngawenon mwoni tonong ren esenipaen ei semwen. Ekkei foffor mei pachonong, nge esapw wewen pwe ikkei chok, ach okkukunano chuufengen non watten emwicheich; esipa sukun; fori angangen anisi me eppet seni ekkewe iir mi nonnomw non neni mei chomwong chon nonnomw ie; affata pun epwe watte ngawenon ika kukkununon tonongen mwoni; oukano mongo non ekkewe nenien mongo me uun non unusen ei state; oukano chufengenin sukun non ekkewe college ika university; opungano an epwe kamareno an ekkewe mei semwen repwe reirei minne ese kon atapwan ngeni nonnomwun ei fansoun ren an epwe annafa ekkewe pisekin eppetin me tumwunun chon angang ngeni mei semwen ika (PPE) me pwan beddin non pioing; me pwan awora onnukun an esapw or an soufonu repwe atouu chon nomw non nenier kewe ar rese monatiw imwer ika nenier. Non March 23, Uwa orderini meinisin chon Oregon ar repwe "Nonomw Neimw, Tumunuw Manaw," an aramas repwe nomwetiwe neimw non nununon ukukun fansoun ar tongeni, orderini an ekkoch sitowa watte repwe kesip resap chiwen suuk, onnuku an epwe or towaw fesenin nefinen aramas non ekkewe ekkoch neni mei menei sakkopaten aramas ie, me pwan awora onnukun aean ekkewe nenien chufengen mei nomw nukun me pwan ekkewe nenien tumwun semirit.

Ekkena foffor mei anisi me eppet parasen ika chounoon COVID-19 non Oregon. Ren Ei Wewe, nesoponon ewe April me nepoputan ewe May 2020, Uwa poputa ne

ekisano manamanen ekkewe onnuk mei totiw me asan, pachonong an a poputa sefan angangen reirei won ekkewe mei kouuno ar repwe reirei wor, suuk sefannin ekkewe nenien kukkunou ika urumwot mei nomw nukun, mwumwutan chufengen non kukkun mwicheich, me pwan katanon onnukun ekkewe nenien tumwunun semirit me ekkoch sitowa watte. Uwa pwan sainnei ew pungun atutun minne e affata pun State epwe ne poputani ew kinikin, onongonong won met sineian, me onongonong won met mei eoch ngeni an epwe ne suuk sefan mwokutukutun ika nonomwun aramas, angangen tonongen mwoni, me pwan ekkoch sokkun mwokutukut mei kan fiffis non Oregon.

PUNGUN ATUTUN NAMPA 20-27 PAGE RUU

Ina mwo an or towawen nefinach me ekkoch, ewe onnukun "Nonomw Neimw, Tumunuw Manaw", me pwan ekkoch auchean mwokututuk kich mei fori ussun mei affatetiwi me asan mei anisi ne ammagano an COVID-19 epwe chouu fetan non Oregon, ach Mwuun me ekkewe meinapen ach public health ra affata pun ei monun semwen mei chok sopolosono teri fetan neich ika non ach community iwe mei tongeni pwe epwe wattenon chon torir ei semwen nupwen epwene kekisino ekkewe onnukun eppetiti ei monun semwen. Ekkewe mwo fonu iir mei chok chokukun ukukun aramas a torir ei monun semwen, mei chok or ar osukosuken ika epwe chok pwan sopolosono ne teri fetan ei semwen rer. Ei monun semwen mei chok chiwen efeiangaw, paras fetanin ei monun semwen non unusen fonufan mei watte efeiangawan me onuwokusun ngeni manawen chon Oregon. Ren ikenai, iwe a ukukun 4,399 a torir ei semwen me 159 ra fen mano ren me non Oregon, nge a napeseni 100,000 me non unusen Merika ra mano ren ei COVID-19. Chon urir ei COVID-19 a teri fetan non unusen pwokukun ei state, pwokiten ei monun semwen ese or pireiran neni kiaan neni. Kich mei chok menei watten aninis ren angangen pekin test me pisekin chon angang ngeni mei semwen, me pwan ukukun an Oregon tongeni ne testini, me kutta ekkewe iir mei nomw ren ekkewe a urir ewe semwen, tori angangen eimwuwono ekkewe aramas a keran nomw rer ewe monun semwen epwe sopolosono non murinnon angang. Pokiten mei tongeni epwe or osukosuken wattenon ei semwen COVID-19 ika pwe sise sopweno ach eppetiti me tumwunu inisin non Oregon, mei auchea sipwe mwonneta ngeni met sipwe for nupwen sia poputa ne ekkkekisano ekkei onnukun eppetiti ei semwen. Non mecheresin kapas, ach angangen eppetiti an monun ei semwen epwe chouu fetan non unusen Oregon epwe chok sopolosono.

Ngang mei watte ai nukunuk ren ekkei angang weires an ach kei kinikin, tori ekkewe business me pwan ekkoch mwicheichen ika nonnomwun aramas, me aramas ese nifinifin non unusen Oregon iir mei aninis non ach angangen suuki

sefani sakkopaten mwokutukut, tori pwan ach kakaeoo ngeni ew minafon sokkun omwokut. Non ach sopweno ach omwokut, ach ei angang ngeni mwokutunon suuk sefannin neniach epwe fis non ach sipwe kinoni fengeni ei angangen omwokutu me opochokuna sefani nonnomwuch ngeni ach angangen eppet wattenon ika chouun ei semwen COVID-19 minne epwe tongeni angawano met an public health angang murinno non wiser me ar sekining ussun kich mi kuna ikenai. Met ach anean me mochen ngeni ei angangen suuki sefani neniach mei pachonong ach mochen epwe kukkununo chon niwiing pioing me mano; kukkununo osukosuk me efeiengaw ngeni ekkewe chon angangen tumwunu nonomwuch iteiten ran; esapw kon watte nuokus me osukosuk ngeni nouch kei chon angangen pekin pioing; mwut ngeni aramas ar repwene niwin sefaniti angang pun repwe tongeni kutta tufichir me ar famini; tumwunu ekkewe iir mei kon mecheres ngenir an epwe torir watten semwen, akkaewin ekkewe iir mei sokkono onuwen unucher; me anisi ekkewe kukkun mwicheichen aramas minne epwe ochufengenni sakkopaten aramas me amari nonomwun ika eorenien aramas.

Pwonutan me fisiouchun met ei an Oregon kokkot ngeni angangen suuki sefani mwokutukut meinisin epwe nongonong won an ekkewe nenien angang, chon angang, me emon me emon aramas ar repwe fiti ngeni met onnukun public health ika pioing, ren tumwun, me angangen atowawa inisumw seni ekkoch ika awora nefiin. Ach angangen eppet me tumwunuu wattenon me chouunon ei semwen COVID-19 ina chok anen ach sipwe tongeni eppet an epwe kouno met ach angang ngeni nonnomwuch nesor me pekinon, me pwan ach sipwe sopweno ne anisata nonnowochun Oregon ren mwoni tonong me nonnomwuch aramas.

PUNGUN ATUTUN NAMPA 20-27 PAGE UNUNGAT

IEI MINNE, A KEFINITA ME PUNGUNO PUN:

Fan pungun ORS 401.168, ORS 401.175, ORS 401.188, and ORS 433.441, Ngang uwa finata ekkei epwe atettenitiw:

Opochokunen an epwe Suuk Sefan Oregon non Tumwun me Pochokun

1. Ei Pungun Otutun epwe ataieno pochokunen me siwini Pungun Otutun Nampa 20-25, epwe affata met urourochun epwe fis non unusen Oregon, me awora angangen me anisin ourour non kinikin ngeni an epwene suuk sefan neni ussun met mi fis non Kinikin I me Kinikin II.

- a. Met Sipwe Poputa Won Ei Pungun Otutun mei affata ekkoch mettoch sipwe poputani won - auchean me tumwun unesen Oregon - chon Oregon me meinisin business non Oregon repwe sopweno ne fori, an epwe sopwosopwono tumwun neniach me pwan pwonuta an epwene suuk sefan neni non met kokkotun me omwokutun ren nesor me pekinon. Ekkei met sipwe poputani mei weneiti unusen Oregon, me nukun chok met mei affat me non ekkewe onnukun me ourouren angangen suuki sefanii neni, me pwan met mei affatetiwi me non ei Pungun Otutun.
- b. Tettenin Suuk Sefan Ei Pungun Otutun e affata tettenin met epwe fis pun nonnomun aramas me manawen tufich epwe tongeni poputa sefan ika suuk sefan, pachonong met Mwuun epwe tongeni aea ne ouwesacha ika epwe okukkunano ika awatteno onnuk ren ei semwen, faniten tumwun chon Oregon. Ena anapanap epwe fis non unungat tetten - Tetten I, Tetten II, Tetten III. Ew me ew sopw repwe en me pusin mwokutuno won ekkei tettet non pusin en me ar omwokut.
- c. Napanapen ei Pungun Otutun Paragraph 2-10 me non ei Pungun Otutun e affata met ekkewe epwe fis ika poputa won, me non unusen Oregon, me mwen an ew me ew sopw ika an unusen Mwuun epwe tonong non Tetten I, me sosopono tori fansoun an epwe or ekkesiwin. Ekkoch metekkei sipwe poputa won ina epwe or ekkesiwinin me non Tetten I, Tetten II, ika Tetten III, ussun mei affatetiwi fan non paragraph 11–24.

**PUNGUN ATUTUN NAMPA 20-27
PAGE RUWANU**

Met Sipwe Poputa Won

2. Tumwunun Inisumw, Tumwunun Ekkoch An epwe tongeni tumwun neniach me tufichin suuk sefan ika mwokutuno ach tufich epwe anongonong won an chon Oregon sopweno ne atowawa inisir seni aramas me pwan ekkoch angangen pekin tumwun. Mei auchea ngeni manawen, tumwun, me nonnomwochun unusen Oregon non ei fansoun nomw non emerechensi an aramas meinisin repwe sopweno ne nomwetiwi neimw ika resapw towaw seni imwer me ia re nonnomw ie, non ukukun fansoun ar tongeni. Non ena koukun, fan pungun ORS 401.168(1), ORS 401.175(3), ORS 401.188(2), me ORS 433.441(3):

- a. Aramas repwe sopweno ne opwonuweta ekkewe onnukun chufengen non emwicheich. Paragraph 3 me non ei Pungun Otutun a affata met sipwe poputa won ren onnukun chufengenin emwicheich. Onnukun emwicheich me non Tetten I mei affat non paragraph 15(a), me onnukun emwicheich me non Tetten II mei affat non paragraph 20(a)
 - b. Aramas repwe fiti met onnuk mei tou seni public health mei affateti non ei Pungun Otutun.
 - c. Aramas repwe sopweno ne awora nefiner me ekkoch esapw kukkun seni 6 fit ika pwe esapw iir chochoon non ew imw, non fansoun an tufich, iwe repwe pwan fiti pungun met onnuk mei tou seni ewe Oregon Health Authority (OHA), pachonong ourour ren pekin atowawa inisumw seni ekkoch me pekin pwonupwonun won maas. Ourour seni OHA mei or won <https://govstatus.egov.com/OR-OHA-COVID-19>
- 3 Emwicheich epwe Poputa Won Emwicheich mei tongeni watte efeiengawan ren an epwe mecheres chouunon COVID-19, ussun met mei tongeni fis nupwen epwe watte ika chomwong aramas repwe chufengen epwe tongeni mecheres chouun ewe semwen, ika pwe mei or emon a nomw ren ewe monun semwen nge a fiti ewe chufengen, mei tongeni eweiresi angangen mwutirin, kutta ekkewe iir mei nomw ren ewe a semwen (ew auchean nongonong me non angangen kokkotun suuk sefanin unusen Oregon) epwe tongeni weiresino. Iei Minne, fan pungun ORS 401.168(1), ORS 401.188(2), and ORS 433.441(3)(a), (b), (d), and (f):
- a. Chufengin Eoreni, Nonnomwun Ewe Mwu, me Mwichen Namanam Mwichen Eoreni, Mwu me Namanam epwe nap seni 25 aramas ese mwumwuta. Mwichen eoreni, mwuun, me namanam mei kukkun seni 25 aramas mei mwumwuta ika pwe repwe tongeni awora onu fit nefiner me ekkoch minne esapw iir chochon non ew imw.

PUNGUN ATUTUN NAMPA 20-27
PAGE NIMU

- b. Chufengenin Kukkunou me Apwapwa Chufengen ren kukkunou me apwapwa mei nap seni 10 aramas epwe fis nukun imw ika nenier kewe ese mwumwuta. Chufengen ren kukkunou me apwapwa mei

kukkun seni 10 aramas mei mwumwuta ika pwe repwe awora 6 fit nefiner me ekkewe esapw iir chochon non ew imw.

- c. Paragraph 3 me non ei Pungun Otutun e chok poraus faniten emwicheich ika chufengen, ese pwan poraus faniten ekkewe nenien angang, bank me credit union, nenien gas, hotel ika motel, ekkewe shelter, nenien mei semwen, nenien kamo safei, nenien tumwun semirit, sukun, college ika university, mwuun ika kofemen, ika pwan ekkoch business ika mwokutukut (awewe ren watten sitowa, pachonong ekkewe sitowa kukkun) minne iir mei nomw fan ekkoch onnuk mei tou seni ei Pungun Otutun ika poruasen ourour seni OHA.
 - d. Kepina, ika OHA fiti kopungunon seni Kepina, mei tongeni epwe ekkesiwini met onnukun non paragraph 3 me non ei Pungun Otutun, ika pwe mei urouroch. Ika epwe or ekkesiwin iwe ina kopwe tongeni kuna me won <https://govstatus.egov.com/OR-OHA-COVID-19>
4. Onnuk Faniten Ekkewe Sopai me Ekkewe Kinikin Mei Affat Fan pungun ORS 401.168(1), ORS 401.188(1) ngeni (3), me ORS 433.441(3)(a), (b), me (f), ekkewe business ika sopai repwe fiti pungun onnuk seni OHA, pachonong porausen ourour ngeni ekkewe nenien angang, me ourour faniten sipwe pwonuu won mesach , minne epwe tongeni pwan or ekkesiwin ngeni non fansoun me fansoun. Pwan chiechian, ekkei onnukun minne sipwe poputa won epwe fis tori inet fansoun a or ekkesiwin me non Tetten I, Tetten II, ika pwan inet:
- a. Mongo me Uun
 - (1) Fansoun poputan ei omwokut, nenien mongo, nenien sakaw, nenien sakaw me mongo, nenien for me amomo sakaw, nenien wain, kafie, ekkewe sakkopaten nenien mongo, nenien kofi, club, me pwan ekkewe neni mei wewe ngeni angangen ekkei neni non ar kawor mongo me uun resapw mwutata an epwe or mongo ika uun won ika non ekkewe neni. Ekkei neni iir mei tongeni repwe awora mongo ika minen uun ikachon kut repwe no mongo ika uun ekis me nukun ewe neni (awewe ren, take-out ika drive-thru) ikachon ewe neni repwe pusin atoura. Ekkewe neni mei or rer ar repwe kawor mongo ika uun repwe fiti onnukun awora 6 fit nefinen ekkewe aramas nupwen repwe kut ener,nomw won

utiwit, ika nomw non line, minne epwe fiti pungun ourour me ren OHA. Ekkei neni repwe pwan

PUNGUN ATUTUN NAMPA 20-27
PAGE ONU

fiti onnukun awora 6 fit nefinomw me ekkoch ren nour kewe chon angang, nupwen mi tufich ngeni. Ika epwe or amomo minen uun ren sakaw ar repwe no uun ekis me nukun ewe neni epwe fiti onnuk seni ORS chapter 471 me pwan onnuk mei affat faniten ei popun.

- (2) Paragraph 4(a)(1) me non ei Pungun Otutun ese pwan poraus faniten ekkewe nenien chon semwen, nenien tumwun semirit, nenien angang, imwen kofemen, nenien angang ngeni pekin emerchensi, an sukun nenuien mongo, me nenien onnut me mongo faniten ekkewe iir mei aramas mei tufichingaw non sakkopat. Ekkei neni iir mei pesepes seni kich ar repwe awora towawen nefinen aramas, fori ar fansoun angang epwe sakkofetan, awora take-out, me pwan ekkoch mwokutukut minne epwe tongeni ekisano chouun ei semwen COVID-19.

- b. Ourour ngeni Ekkewe Kinikin Mei Affat. Ekkoch neni ika kinikin mei affatetiwi repwe fiti onnuk ika ourour mei katoou me ren OHA, minne epwe pwan tongeni or ekkesiwinin non fansoun me fansoun. Ekkei neni mei pachonong ekkewe watten sitowa, nenien fiti bus me train, nenien maan ika pwan ekkoch neni mei nomw non tit nge nukun imw; museum; nenien chon urumwot (ussun mei mwumwuta me ren ika pwan touu onnukun seni OHA).
- c. Sopai epwe Kesip non Fansoun Poputan Omwokut. Non ewe ekkesiwin mei kawor ren ekkei mei eiteitetiwi (seni onnukun OHA, fan emwenien Kepina), sukun ekkei sopai ika business, minne mei weires an epwe pwonuta angangen atowawa fesenni aramas, ese mwumwuta an epwe suuk non ei fansoun Poputan Omwokut:

Watten park mei or sakkopaten urumwot; nenien katon iik me sokkun monun fan saat;nenien fich me for mokur; nenien bowling, nenien pworuk, chon nimeti unuchach, mwichen mwan faniten ar nukuu, gym me nenien taiso (me pwan gym kopwe teeki tekia non) nenien unnun tabako, mall mei nomw

non imw pwan nukun imw(awewe ren, en neni mei ochufengenni fittu sokkun neni ren sitowa me nenien mwongo non chok ew kinikin); nenien paari mi nomw non (pachonong gym nenien mwet); spa, nenien fori mesach, nenien massage esapw an doctor, nenien fori ukkuch, nenien skate, nenien mei mwukono ne kukunou, club an ese nifinifin;

PUNGUN ATUTUN NAMPA 20-27
PAGE FISU

nenien tattu/me pwangapwang; nenien tennis; nenien kachito; nenien yoga; me pwan nenien serafo.

Paragraph 4(c) me non ei Pungun Otutun ese pwan poraus faniten ekkewe nenien mongo, nenien sakaw, nenien mongo me sakaw, nenien for me amomo sakaw, nenien un wain, kafie, sakkopaten nenien mongo, nenien kofi, ika pwan ekkoch neni mei wewe fengen ar mwokutukut faniten kaworen mongo me minen uun, minne mei affatetiw onnukur non paragraph 4(a) me non ei Pungun Otutun. Ekkewe mall mei nomw nukun ika pwan non, me pwan ekkoch sopai mei nomw fan nurun paragraph(c) me non ei Pungun Otutun, ese onnuk senir ar repwe awora mongo, pisekin kamo, pekin tumwunun semwen, nenien safei, ika pwan sitowan tumwunun maan.

- d. Ekkesiwin: Fan okkunouwen Kepina, OHA ika pwan menni ofes seni state mei tongeni epwe wauu ekkoch ourour ika aninisin omwokut minne epwe mwutata ew ika fitu me nein ekkewe sopai mei affat non paragraph 4(c) ar repwe suk, epwe chiechien ei poputan omwokut ngeni an epwene suuk sefan. Chiechien ei, fan okkounouwen Kepina, OHA mei tongeni siwinii masowen ekkei onnuk non paragraph 4 me non ei Pungun Otutun, me pwan aninisin ourour mei wewe ngeni, me pwan pacheta ekkoch aninisin ourour ika kapas eis faniten ei pwopun, ussun mei affat. Meininis pekin ourour, tori met mei ekkesiwin non, epwe nomw won <https://govstatus.egov.com/OR-OHA-COVID-19>
- e. Chappen Tipisin Ese Opwonuweta Onnuk: Ekkewe sopai minne rese fiti pungun onnuk mei affat non paragraph 4 me non ei Pungun Otutun repwe kesipeno tori ar pwarano ar opwonuweta ekkei onnuk.

5. Onnukun Nenien Angang non ei Poputan Omwokut. Fan pungun ORS 401.168(1), ORS 401.188(1) ngeni (3), me ORS 433.441(3) (a), (b), me (f):
- a. Meinin sopai tori ekkewe neni rese fiti angangen mwoni me ofes meinin non Oregon repwe fori pungun angang won fon ika angang non imw ren nour kewe chon angang, non ukukun minne mei tufich ngeni. Angang non ofes ese mwumwuta ika pwe mei tufich angang won fon ika computer me angang neimw, ngeni io wisan mei urouroch ngeni, ika pwe mei or pisekin ren angang won fon ika computer, me internet mei och.
 - b. Ika pwe ese tufich an epwe pwonuta angang won fon me computer ika angang neimw, ekkewe sopai me nenien angang repwe affata chon angang minne epwe wisen sekining ngeni forutan, pwonutan, me opochokunen onnukun awora towawen nefinomw me ekkoch,

**PUNGUN ATUTUN NAMPA 20-27
PAGE WANU**

epwe fiti pungun onnuk seni OHA. Ei onnuk epwe pwan affat ifa ussun an ekkewe sopai ika nenien angang repwe awora ika opwonuweta onnukun awora towawen nefinomw me ekoch ngeni ekkewe chon chuuto non ei neni ren popun angang mei auchea.

- c. Sopai me nenien angang ese fiti mwoni repwe opwonuta ekkewe onnukun OHA, pachonong met onnuk mei affat faniten ekkewe nenien angang. Fan okkunouwen Kepina, OHA non fansoun tufich mei tongeni epwe ekkesiwini ika opungano minafon onnuk, ika pwe mei menei an epwe fis ika ekkesiwin.
 - d. Ekkewe sopai ika pwan nenien angang rese fiti pungun met mei affat non paragraph 5 me non ei Pungun Otutun mei tongeni repwe kesipeno tori ar pwarano pwe iir mei opwonuweta ekkei onnuk.
6. Imwen Kofemen Fan pungun ORS 401.168(1), ORS 401.188(1) ngeni (3), me ORS 433.441(3) (a), (b), me (f):
- a. Ewe Putain Administrative Services (DAS) a affat pun epwe wisen wauu onnuk ngeni meinin ofesin mwuun me kiftetin kewe, minne epwe kopunguno me ren Kepina. Ekkei anininis ourour epwe affata, nge esapw wewen pwe ikkei chok, onnukun met epwe fis ren mwokutun ika aean ekkewe ofesin kofemen; aean sokkun aninis mei

or faniten aramas; angang won fon me computer ika angang me neimw; me pwan awora towawen nefinomw me ekkoch. Ekkei onnuk, minne epwe kan pwan or ekkesiwin ngeni non fansoun me fansoun, epwe affat seni DAS ngeni ekkewe ofes mei weneitir iwe pwan tou ngeni aramas ese nifinifin won

<https://www.oregon.gov/das/pages/coronavirus-state-gov-employee.aspx>

- b. Paragraph 6 me non ei Pungun Otutun mei poraus faniten meinisin ofes me neni ir mei nomw fan nemenien me omwokutuwen ach iwe ofesin kepina. Ei Pungun Otutun ese pwan poraus faniten ofes me neni mei nomw fan nemenien me omwokutuwen ekkewe ekkoch keangen kofemen me nukun ewe ofesin Kepina,ren ekkewe ofesin federal ika mwuunap, me pwan ekkewe sakkopaten kinikisitiwen kofemen.

7. Urumwotun Nukun me Sai. Fan pungun ORS 401.681(1) me (3), ORS 401.175(3) ORS 401.188(1) ngeni (3), me ORS 433.441(3):

PUNGUN ATUTUN NAMPA 20-27 PAGE TIU

- a. Aramas iir mei tongeni tou nukun ren pekin urumwot ika taiso (fetan, teeki chuk, ika pwan ekkoch), nge repwe fori ekkena mwokutukut non ar resapw pwan nomw unukkun ekkoch, ese mwumwuta fori angangen urumwot nukun imw ikewe mei weires an aramas repwe awora towaw fesenin nefiner me ekkoch, iwe repwe pwan fiti met ourour mei tou seni OHA won met repwe fori fansoun repwe fiti urumwot nukun. Ekkewe meinapen ekkewe nenien urumwot repwe pwan fiti met onnukun urumwot mei tou seni OHA. Fan okkunouwen Kepina, OHA mei tongeni ekkesiwini ekkewe onnuk non, non fansoun an fich ngeni.
- b. Aramas repwe sopweno ar okukunano saii fetan ren met popun ese auchea, fan ourour mei affat me tou seni OHA. Nupwen fansoun mei tufich, chon Oregon repwe sa ika pwer non aan mei chok mwochomwoch ngeni ika seni imw, nenien nonomw, ika nenien angang; ar repwe non kut mongo, nenier, pisek mei menei ar repwe aea, pekin kaeo, pekin safei, ika pwan met mei weiweita; ren ar repwe angei ika kut aninis seni mwuun ika kofemen; ren ar repwe no tumwunuu chon ar famini, chon non imwer, ekkewe chinap ika mei mwukono, ekkewe kukkun, ekkun rekan tuttumwunur ika

nongonong wor, emon mei or terin, ika pwan ekokch aramas ir mei apwangapwang ika rese tufichin pusin tumwunur, maan, ,maanun tumwun ren pekin mwoni tonong; ren ar repwe sai fan okkunouwen nouwisin kofemen, chon opochokuna onnuk, ika kopung; me pwan ekkoch angangen mwokutukut faniten tufich, nonnomwun aramas, urumwot minne mei mwumwuta ika nomw fan nurun ei Pungun Otutun me ourour seni OHA.

- c. Ekkewe nenien camp mei tongeni suuk ika pwe repwe tongeni opwonuweta an OHA onnuk ren kukkunou nukun.
- d. Ewe Putain Parks and Recreation an Oregon mei or an nemenem an epwe esipa menni nein ekkewe neni ika pwe ese tongeni epwe pwonuta ewe onnukun awora towawen nefinomw me ekkoch.
- e. Non ei Poputan Omwokut, ekkewe pool ika nenien tukken, nenien skate, nenien urumwot mi nomw nukun, ika pwan ekkewe sakkun nenien kukkunou repwe chok kesip. Fan okunouwen Kepina, OHA ika pwan ew ofesin mwuun minne ururun wisan mei tongeni wauu onnukun ika ourouren an ew ika fitu me nein ekkei neni repwe tongeni suuk, ika pwe epwe pwan masowen ei angangen omwokutun suuk sefan. Ekkei onnuk ika ourour ina epwe tou ngeni meinisin won <https://govstatus.egov.com/OR-OHA-COVID-19>

PUNGUN ATUTUN NAMPA 20-27 PAGE ENGON

- 8. Sukun Pekinon High School, Sukun, Chon Tumwun Semirit, Program Faniten Serafo. Kepina a okkunou ekkewe kinikinin non putain education ar repwe angang fengen me ekkewe sukun tori chiechier kan non unusen Oregon ren kokkotun an epwe suuk sefan sukun, pun chon sukun non Oregon repwe tongeni niwin sefan ngeni sukun non ei ierin sukun 2020-2021, non met sokkun nikinik minne epwe tufich. Ren ekkewe sukun pekinon high school ika ekkewe college me university repwe chok fiti pungun met mei tou non Pungun Otutun 20-09, pachonong met ekkesiwin mei or seni ekkewe Pungun Otutun mwirin, me pwan met ourour seni ewe Higher Education Coordinating Commision. Ekkewe nenien tumwun semirit, me pwan sokkun met onnuk mei tou ngeni sokkun aninisin tumwunun semirit repwe sotosopono fan pungun ewe Pungun Otutun 20-19, pachonong met ekkesiwin mei or seni ekkoch Pungun Otutun mwirin, me pwan met ourour seni ewe Putain Education, ewe Putai ren Early

Learning, Ofesin Nenien Tumwun Semirit. Sukunen K-12 repwe chok sotosopono ar fiti pungun onnuk me non ewe Pungun Otutun 20-21, pachonong met mei sotosopota ika ekkesiwin me non ekkoch Pungun Otutun mwirin, me pwan met ourour mei tou seni ewe Putain Education. Ika pwe mei tou okkuneen seni Kepina, OHA ika pwan menni putai mei weneiti epwe awora aninisin ourour me onnuk ngeni ekkewe program faniten serafo, pachonong urumwotun non, nukun, ika pwiniepwun ne camp.

9. Aninisin Ourour. Fan ai okkuno, fiti fengen me ewe pochokun mei nomw non ei Pungun Otutun me pwan ekkewe ekkoch, OHA me pwan ekkoch putai mei weneitir ra affatau non ar repwe sotosopono fiti ekkesiwini ourour minne a touu ngeni aramas ese nifinifin, tori ekkewe nenien angang, me pwan ekkewe ekkoch kinikin iir masowen ei mwuu. Ach sipwe tongeni sotosopono ne feinno won met an Oregon angangen mwokutuno epwe onongonong won an chon Oregon meinisin repwe sopweno ne opwonuweta met ekkewe mennapen ourour tori pwan ekkewe mei tichikitiw non kinikin me kinikin seni OHA me pwan ekkewe ekkoch putai non ach ei mwuu. Oregon e mwokut fan an fiti met kunaian, seni pekin science non an epwe fori an mwokutukutun eppet me tumwunuu fetanin ei emerchensi ren COVID-19. Non ach sopweno ne kakkaeo ngeni met sipwe fori ren pekin fiu ngeni ei monun semwen coronavirus, chon Oregon repwe weweiti pun ekkei ourour me onnuk mei tongeni epwe ekkesiwin non fansoun me fansoun, ren an epwe tongeni pwonuta angangen mwonnota ren pekin emerchensi. Ren ena wewe, ika pwe mei touu okkuneen me ren Kepina, OHA ika pwan menni putai mei weneiti, repwe ekkesiwini ika awora met tichikin porausen ekkewe angangen poputan omwokut mei affat non paragraph 2 ngeni 8 me non ei Pungun Otutun, non urourochun, fiti an epwe kopunguno me ren Kepina. Ekkena ekkesiwin me tichikin aninisin ourour repwe touu ngeni aramas ese nifinifin won <https://govstatus.egov.com/OR-OHA-COVID-19>.

**PUNGUN ATUTUN NAMPA 20-27
PAGE ENGON ME EW**

10. Pungun Otutun Nampa 20-25 a katano manamanan, me a pwan ekkesiwin ngeni ei Pungun Otutun.

Popoutan Angangen Suuk Sefanin Oregon

11. Tettenin Suuk Sefan. Mwuun epwe fori ewe kokkotun omwokut, nongonong won sinean, me nongonong won met mei tufich ngeni ekkewe sopwun non ei neni ren an epwe ekkesiwini me ekisano ekkewe onnukun ei

poputan omwokut minne mei affat me asan, ren an epwe tongeni suuk sefan nonnomwun aramas iteiten ran, angangen tufich, me pwan ekkoch mwokutukut mei fiffis non Oregon. Angangen Suuk Sefan epwe fis non unungat tetten—Tetten I, Tetten II, Tetten III. Ei omwokutun suuk sefan epwe kinoni fengenni auchean manawen me tumwunun aramas ngeni mwokutukutun angangen suuki sefanii Oregon ren nonnomwun aramas me feitaan tufich.

12. Met Epwe Fis Mwen Poputan Tetten I Ekkewe onnukun ei Tetten I minne mei affat non paragraph 15 me non ei Pungun Otutun epwe poputa manamanan non unusen Oregon ika pwe a pwonuta ekkei minne epwe fis me mwen epwe poputa Tetten I. Ekkena mwokutukut epwe touu seni Kepina, fan peseien OHA, ikkei met minne epwe affata:
- a. Epwe Kukkununo parasfetanin COVID-19;
 - b. Epwe naf angangen nenien test;
 - c. Epwe naf aninisin kутten ekkewe chon nomw ren ekkewe mei semwen;
 - d. Epwe naf nenien chon imwuno/keimwuno seni meinisin;
 - e. Aninisin ourour epwe tou ngeni non unusen Oregon ekkewe kinikin me kinikin faniten Tetten I;
 - f. Epwe naf nenien mei semwen; me
 - g. Epwe naf pisekin chon angang ngeni mei semwen.

PUNGUN ATUTUN NAMPA 20-27
PAGE ENGON ME RUU

13. Anapanap ngeni Mwokutunon Unusen Oregon ngeni Tetten I. OHA epwe esinei ngeni Kepina nupwen ekkewe anapanap non paragraph 12 me non ei Pungun Otutun a pwonuweta meinisin, epwe tongeni ina fansoun Kepina epwe ne finata ika Tetten I epwene mwokutuno, fan nurun onnuk mei touu seni OHA. Nupwen Kepina epwe tipeew ngeni an epwene mwokutuno, ekkewe onnukun Tetten I mei affat non ei Pungun Otutun repwene poputa manamaner non unusen Oregon.

14. Anapanap ren an Ew me Ew Kinikin Mwokutuno Ngeni Tetten I. Ika mwo pun Kepina ese mwo wauu kopungunon met mei affat non paragraph 13 me non ei Pungun Otutun, ekkewe kinikin iir mei en me tongeni tingor mumwutan me ren Kepina ar repwene mwokutuno ngeni Tetten I ika pwe a unus ika pwonuweta meinisin met epwe fis me me mwen mwokutunon omwokkut, ussun mei affat non paragraph 12 me non ei Pungun Otutun, me pwan ekkewe aninisin ourour mei katouu seni OHA. Ewe Ofesin Kepina mei tongeni tichikii etiw met tettenin epwe fis ren an ew me ew ekkewe kinikin repwe ammsou taropwe faniten ketiwen feinnon ar omwokkut me non ei paragraph. Nupwen Kepina epwene etiwa noun ew kinikin taropwe, ekkewe onnukun Tetten I a poputa manamanan me non ena kinikin.
15. Onnukun Tetten I. Fan nurun Tetten I, inamwo ika esapw nenne ngeni met ewe onnukun poputan omwokut ussun mei affat non paragraph 2-9 me non ei Pungun Otutun, ekkei mettoch mei mwumwuta me non menni kinikin minne onnukun Tetten I a poputa manamanan ie, ika pwe ewe kinikin me an mwokutukut mei fiti pungun met onnuk mei affat non Tetten I minne mei katouu seni OHA:
- a. Chufengen Non Soopw. Chiechien ekkewe emwicheich a fen mwumwuta me non paragraph 3 non ei Pungun Otutun, aramas ese nifinifin iir mei tongeni chuufengen non sopwur kewe ren ese pwan nifinifin popun nge esapw nap seni 25 aramas—pachonong chufengennin apwapwa ika urumwot minne mei affat me mwan pwe epwe chok ukukun 10 ika kisisenifan nurun paragraph 3(b) me non ei Pungun Otutun - ika pwe mei tongeni pwonuta an epwe 6 fit towawen nefinen ekkewe aramas esapw iirchon non ew imw. Omw kopwe no ngeni ekkei chufengen mei fis pusin non sopwumw iwe mei mwumwuta. Non Tetten I, ekkei onnuk mei tou non ei paragraph ese pwan poraus faniten ekkewe kinikin ika kifetin non ewe mwuu minne mei pusin imwuno ika affateti onnukur (awewe ren, nenien mongo, nenien tumwunun aramas, me sitowa watte), ika pwe ena kinikin mei fiti ngeni onnukun kewe mei affat. Pwan non ei paragraph ese pwan poraus faniten ekkewe omwokut mei affat non paragraph 3(c) me non ei Pungun Otutun.

PUNGUN ATUTUN NAMPA 20-27
PAGE ENGON ME UNUNGAT

- b. Kinikinin Mwonien ewe Mwuu. Ekkei kinikin mei tongeni repwe ne suuk sefan ika awatteno ar angang, ika pwe iir mei fiti pungun onnukun Tetten I seni OHA me pwan meinisin onnuk mei tou faniter seni OHA:
- (1) Faniten mongo me minen uun, mei pachonong imwen mongo, imwen sakaw mei fiti nenien mongo, minne repwe fiti onnukun Tetten I faniten imwen mongo;
 - (2) Angangen tumwunun aramas me nenian, nenien tumwunun ningeochun inisich me taiso, minne epwe fiti onnukun Tetten I ren aninisin tumwunun aramas;
 - (3) Ekkewe mall mei nomw nukun imw me pwan non, minne epwe fiti pungun Tetten I faniten ekkewe Mall Nukun me Non; me
 - (4) Pwan menni kinikin minne Kepina epwe mefi pwe a tongeni epwe ne suuk sefan ika awatteno angang ren non ei fansoun mwokutun Tetten I.
16. Mwokut seni Tetten I ngeni Tetten II. Unusen ewe mwuu tori ekkewe mwuu kukkun rese tongeni repwe mwokut seni Tetten I ngeni Tetten II ika pwe ese mwo kuu ruwe me ew (21) ran seni ewe fansoun omwokut, pun epwe mwut ngeni an public health epwe nennengeni ussun mwokutun ika kokkotun non ewe ewe kinikin.
- 17 Anapanap mwen Mwokutuno ngeni Tetten II. Onnukun non Tetten II minne mei affat non paragraph 20 me non ei Pungun Otutun epwe poputa manamanan non unusen Oregon ika pwe meinisin ekkewe anapanap minne epwe fis mwen poputan Tetten II a pwonuweta, esapw kukkun seni 21 ran me non Tetten I. Ekkena anapanap repwe affat me ren Kepina, fan peseien OHA, iwe mei pachonong:
- a. Meinisin ekkewe anapanap me mwen mwokutuno ngeni Tetten I, ussun mei affat non paragraph 12 me non ei Pungun Otutun;
 - b. Epwe mwuttir iamwiri (kutta porasen io mi nomw ren ewe mi uri semwen) ongonong won tichikin pessenin ekkewe minafon keis, esapw mang seni 24 awa me murin;
 - c. Ena tichikin pessen ren minafon mei semwen epwe anemwir ngeni emon mei semwen a fet fat porausan; me

- d. Esapw or wattenon ika chomwongonon minafon chon semwen ika wattenon chon nomw rer ewe monun semwen nupwen ra test.

PUNGUN ATUTUN NAMPA 20-27
PAGE ENGON ME RUWANU

18. Anapanap ren Mwokutunon Unusen Oregon ngeni Tetten II. OHA epwe esinei ngeni Kepina nupwen ekkewe anapanap mei affat non paragraph 17 me non ei Pungun Otutun a pwonuweta, non ena fansoun Kepina a tongeni affata pun Tetten II a poputa manamanan, fan nurun ourour mei katoou seni OHA. Nupwen Kepina a wauu an finata, ekkewe onnukun Tetten II me non ei Pungun Otutun a poputa manamanan non unusen Oregon.
19. Anapanap ren Mwokutunon Ew Me Ew Kinikin ngeni Tetten II. Ika mwo Kepina ese mwo wauu an pungun finata fan nurun paragraph 18 me non ei Pungun Otutun, ew me ew kinikin mei tongeni tungor mwumwutan seni Kepina ren mwokutunon ngeni Tetten II, iwe mei tongeni epwe ketiw ika pwe, ese kukun seni 21 ran me murin an ena kinikin a mwokutunong non Tetten I, ewe kinikin a opwonuweta meinisin anapan me mwen mwokutunon ngeni Tetten II, ussun mei affat non paragraph 17 me non ei Pungun Otutun, me pwan ekkewe onnuk fanitan minne mei katouu seni OHA. Ewe Ofesin Kepina mei tongeni tichikii etiw met tettenin epwe fis ren an ew me ew ekkewe kinikin repwe ammsou taropwe faniten ketiwen feinnon ar omwokkut me non ei paragraph. Nupwen Kepina epwe etiya noun ewe kinikin iwe taropwen tingor, nge ese mwuttir seni 21 murin an ewe kinikin a tonong non Tetten I, ekkewe onnukun Tetten II ra poputa manamanan me non ena kinikin.
20. Onnukun Tetten II. Fan nurun Tetten II, inamwo ika ese nenne ngeni onnukun poputan omwokut ika Tetten I minne mei affat non paragraph 2-9 me paragraph 15 me non ei Pungun Otutun, ekkei mettoch mei mumuta non menni kinikin minne onnukun Tetten II a poputa manamanan ie, ika pwe ena kinikin me an mwokutukut mei fiti pungun onnukun Tetten II minne mei katouu seni OHA:
- a. Onnukun Emwicheich. Ina mwo ika ese nenne ngeni met onnukun poputan omwokut me Tetten I ussun mi fat non paragraph 3 me 15 me non ei Pungun Otutun, fansoun Tetten II aramas mei tongeni repwe chuu fengen ren ese nifinifin popun non koukun esapw nap seni 50 aramas ika pwe e fis non imw, ika esapw nap seni 100 aramas ika pwe e fis nukun, ika pwe repwe opwonuweta onnukun

awora onu fit nefiner me ekkoch ika esapw iir chochon non ew imw. Non Tetten II, ekkei onnuk non ei paragraph ese pwan poraus faniten ekkewe kinikin ika kifetin ewe mwuu minne mei pusin affat onnuk faniter (awewe ren, ekkewe mei affat non paragraph 20(b)), ika pwe ekkewe kinikin mei opwonuweta ekkewe onnuk. Pwan non ei paragraph ese pwan poraus faniten ekkewe omwokut mei affat non paragraph 3(c) me non ei Pungun Otutun.

PUNGUN ATUTUN NAMPA 20-27
PAGE ENGON ME NIMU

- b. Kinikinin Mwonien ewe Mwuu. Chiechien ekkewe kinikin minne a fen mwumwuta ar repwe mwokutuno fan nurun onnukun ewe poputan omwokut me Tetten I, ina mwo ika epwe or onnuk esapw nenne ngeni me non ei Pungun Otutun, ekkei kinikin mei tongeni repwe suuk sefan ika awatteno mwokutun ar angang, ika pwe iir mei fori pungun onnuk Tetten II minne mei katouu seni OHA faniten ei kinikin:
- (1) Nenien chufengen ika mwiichpachonong ekkewe nenien kachito me nenien iotek, ra tongeni repwe poputa ika suuk ika pwe repwe fiti onnukun Tetten II mei katouu seni OHA.
 - (2) Ekkewe nenien urumwot non imw mei fiti mwoni minne ese pwan affat me mwan(awewe ren, nenien skate, bowling, me pwan ekkoch) iir ra tongeni suuk ika pwe repwe fiti onnukun Tetten II mei katouu seni OHA.
 - (3) Nenien urumwot nukun mei fiti mwoni(awewe, kukkun mwota sein kitir, golf, urumwotun iakiu nong non tit) mei tongeni repwe suuk, ika pwe repwe fiti pungun onnukun Tetten II mei katouu seni OHA.
 - (4) Nenien tukken ika pool me nenien urumwotmei tongeni suuk, ika pwe repwe fiti pungun onnukun Tetten II mei katouu seni OHA.
 - (5) Faniten mongo me minen uun, mei pachonong ekkewe imwen mongo me imwen sakaw mei fiti nenien mongo, mi tongeni awatteno ar mwokutun angang, ika pwe repwe fiti pungun onnukun Tetten II mei katouu seni OHA.

- (6) Urumwotun apwapwa, mei tongeni epwe popusefanita ika pwe repwe fiti pungun onnukun Tetten II mei katouu seni OHA.
- (7) Ekkoch kinikin minne Kepina epwe affata ika pwe a tongeni suuk sefan ika awatteno mwokutun ar angang non ei Tetten II.

PUNGUN ATUTUN NAMPA 20-27
PAGE ENGON ME ONU

- c. Niwiniti Angang mei Kouk. Ika mwo ese nenne ngeni paragraph 5, me asan, ekkewe nenien angang ra tongeni poputa ne niwin sefaniti ofes ren angang, ina mwo ika mei chok chiwen watte pesepesen angang me towaw non ukukun met koukun tongeni. Ekkewe nenien angang minne chon angangan ra poputa ne niwiniti angangrepwe affata, ika sopweno ne affata, emon chon angang ika meinap epwe poputani, anganga, me opochokkuna ewe onnukun awora towawen nefinomw me ekkoch, fan ourour mei katouu seni OHA. Ei onnuk epwe pwan affat ifa ussun an ekkewe sopai ika nenien angang repwe awora ika opwonuweta onnukun awora towawen nefinomw me ekkoch ngeni ekkewe chon chuuto non ei neni ren popun angang mei auchea.
 - d. Sai. Ika mwo ese nenne ngeni paragraph 7(b), me asan, aramas iir mei tongeni sai ar repwe fiti chufengen faniten nonomwun aramas, mwuu, tufich me sokkun urumwot ika mwokutukut minne mei mwumwuta ngeni ekkewe kinikin ra nomw non Tetten II.
21. Aninisin Ourour. Fiti kopungunon me ren Kepina, OHA (ika menni putai mei weneiti, nupwen epwe kefanita me ren Kepina) epwe wauu onnuk faniten ekkewe tettenin ika mwokutun suuki sefanii neni. Ena onnuk epwe ekisano ika ekkesiwini met onnuk faniten ei poputan omwokut; affata met onnuk faniten Tetten I, Tetten II, ika Tetten III; me pwan awora ekkoch tichikin onnuk faniten ekkewe ekkoch kinikin mei affat. Ena onnuk mei tongeni epwe pwan ekkesiwin non fansoun me fansoun. Ena onnuk ina

epwe touu ngeni aramas ese nifinifin won ei address:

<https://govstatus.egov.com/OR-OHA-COVID-19>.

22. Mwurin Omwokut. Non ai mochen pun esapw or nein ewe mwuu nap ika state me ekkewe kisin repwe mwokutuno seni Tetten II ngeni Tetten III tori an a watte safeian ika an a or safeien eppetin ei semwen, ika pwan ekkoch watten ekkesiwin ngeni ei osukosuk ren ei semwen mi kuu unusen fonufan, ussun mei affat me ren Kepina. Inamwo, ngang mi chok mochen sopweno nenngeni mwokutukutun non fansoun Tetten II, me nennengeni ika mei menei epwe or ekkesiwin ngeni ekkewe onnuk faniten Tetten II.
23. Angangen Eniwini Sefanii Sakkopaten Onnuk. An epwe suuk sefan mettoch meinisn non Oregon mei fiti osukosuken ika epwe wattenno sefan parasen COVID-19 minne epwe tongeni eniwini sefanii ekkewe onnukun kesipenon neni, ina mwo ika state ika ekkewe kinikinin non ra fen mwokutuno ngeni Tetten I ika Tetten II. Fiti kopungunon me ren Kepina, OHA epwe affata ekkena nikinik minne epwe tongeni eniwini sefanii ekkewe onnukun esipano neni. Ekkei nikinik mei tongeni epwe nge esapw wewen pwe a ikkei chok:

PUNGUN ATUTUN NAMPA 20-27 PAGE ENGON ME FISU

- a. Ese pwonuta angangen kutta ekkewe aramas minne iir mi nomw ren ewe a uri semwen;
- b. Esissinen pwe a wattenno sefan ika a watte chouunon COVID -19; ika
- c. Esissinen wattenon osukosuk ren chounoon COVID-19.

Ika epwe pungu ngeni ew me nein ekkei nikinik, OHA epwe efisi an mwiich atapwanapwan ngeni meinapen public health non ekkewe sopw me sopw, ren met repwe tongeni ouwesacha me aani kokkot fengen. OHA epwe ngeni Kepina an ourour ika pesepes, ii minne a or an pochokunen finata met urourochun epwe fis, ika pwan pochokunen finata fansoun an epwe fis.

24. Ekkesiwin ngeni Tetten I ika Tetten II. Fan okkunowen Kepina, OHA ika pwan menni putai mei weneiti, mei tongeni ekkesiwini ika pacheta tichikin poraus ren met ekkewe mei affat non paragraph 11 ngeni 23 me non ei

Pungun Otutun, ussun mei urouroch ngeni, minne epwe pwan kopunguno me ren Kepina. Ekkena ekkesiwin me pwan sopesopun ourour ina epwe affat ita tou ngeni meinis in won <https://govstatus.egov.com/OR-OHA-COVID-19>.

Mennapen Omwokut

25. Pungun Onnuk. Ei Pungun Otutun mei kawor fan ewe pochokunen nemenem mei katouu ngeni Kepina fan nurun ORS 401.165 ngeni 401.236. Fan nurun ORS 401.192(1), ekkei onnuk mei affat non ei Pungun Otutun epwe fiti pungun me pochokunen onnuk, tori met onnuk mei kawor, ika epwe or onnuk epwe sokkono seni met ekkei mei katouu faniten an Kepina wewaitan onnuk iwe ekkena onnuk repwe komworono esapw or pochokuner.
26. Apochokuna. Ekkei onnuk non ei Pungun Otutun me pwan ese nifinifin ourour ika onnuk mei katouu seni OHA ika ekkewe pwan ekkoch putai faniten kopungunon ei Pungun Otutun a poputa manamanan non unusen Oregon, me nukun chok ika epwe affateti. Ei Pungun Otutun me pwan ekkewe ourour mei katouu seni OHA faniten pwonutan ei Pungun Otutun iir onnukun public health, ussun mei affat non ORS 431A.005, iwe mei tongeni epwe opochokuneno non mwumwutan seni ORS 431A.010. Chiechien met chappen tipis minne epwe tongeni tou fan pungun onnuk, emon aramas, sopai, ika ekkewe neni minne repwe atai pungun onnukun ei Pungun Otutun ika pwan ekkewe ourour mei katouu seni OHA ika ekkewe ekkoch putai faniten kopungunon ei Pungun Otutun epwe angei chappen tipisin ussun mi affat non ORS 401.990.

PUNGUN ATUTUN NAMPA 20-27 PAGE ENGON ME WANU

27. Pochokunen manamanan. Ika ew kinikin, kinikisin, paragraph, subparagraph, poraus, kinikinin poraus, ika kapas seni ei Pungun Otutun epwe mwan, ei mwannino esapw angawano ika ataieno manamananen me pochokunen ei Otutun.
28. Nounoun Kaps; Ese Or an Pung. Meinis in poraus mei tou seni Kepina fan nurun ei Pungun Otutun pusin an non an finata. Ei Pungun Otutun esapw faniten an epwe efisata, ese pwan forata, an aramas pung, ika tufich, ika mwo epwe auchea me epwe or popun, epwe tongeni opochokun fan onnuk seni ese nifinifin io epwe uu ngeni Oregon, ekkei ofes, putai, ika nouwis, chon angang ika nour agent.

29. Poputa Manamanan. Ekkei omwokutun non ei Pungun Otutun epwe poputa manamanan iei, nukun chok ika epwe affat, iwe epwe sopouloso pono pochokunan tori inet Kepina a ataieno.

Foruta me Salem, Oregon, non ei 5^{en}ran non June, 2020.

Kate Brown
KEPINA

CHON PWARATA:

Bev Clarno
SEKETARIN STATE